



Aningaasaqarnermut Nunanilu Avannarlerni Suleqatigiinnermut Naalakkersuisoq

Ulloq: 27. oktober 2019
J.nr.: 01.31.06/19-00854

Aningaasaqarnermut Akileraartarnermullu Ataatsimiititaliap marlunngornermi ulloq 22. oktober 2019-imi aalajangiineranik Naalakkersuisunut ilisimatitsineq.

Kontumi pingaarnermi 87.73.22 Mittarfeqarfiit, mittarfiit, kontumi pingaarnermi 80.00.80 Aningaasat suliniutinik aallartitsinissamut sillimmatit, kontumi pingaarnermi 80.00.01 Nuussinissanut sillimmatit, aamma kontumi pingaarnermi 20.11.50 Ingerlatsinermut sillimmatit, Mittarfeqarfiit ataanni mittarfinni sanaartukkat aammalu atorut taakkununga atasut pitsanngorsarneqarnissaat aammalu pisariaqartumik nutarterneqarnissaat siunertaralugu missingersuutitut sunniuteqanngitsumik nuussineq. – Suliaq nr. 01.31.06/19 – 00854.

”Naalakkersuisut **inassutigaat**,

- kontumi pingaarnermi 80.00.80 Aningaasat suliniutinik aallartitsinissamut sillimmatit, aningaasaliissutit 2019-imi 10,0 mio. koruuninik ikilisinneqassasut, aamma
- kontumi pingaarnermi 80.00.01 Nuussinissanut sillimmatit, aningaasaliissutit 6,979 mio. koruuninik ikilisinneqassasut, aamma
- kontumi pingaarnermi 20.11.50 Ingerlatsinermut sillimmatit, aningaasaliissutit 3,021 mio. koruuninik ikilisinneqassasut, aamma
- kontumi pingaarnermi 87.73.22 Mittarfeqarfiit, mittarfiit, suliassami nutaami nr. 996.25.206 Qatserutit, aningaasaliissutit 11,1 mio. koruuninik amerlisinneqassasut, suliassami nutaami nr. 996.25.207 Qulimiguulinnut mittarfiit, aningaasaliissutit 5,0 mio. koruuninik amerlisinneqassasut, aamma suliassami nutaami nr. 996.25.208 Mittarfinni silassamik nakkutilliivik, aningaasaliissutit 2019-imi 3,9 mio. koruuninik amerlisinneqassasut.”

Aningaasaqarnermut Akileraartarnermullu Ataatsimiititaliap oqaaseqaatai apequtaalu:

Naalakkersuisut pasissutissiipput:

Qatserutit pillugit:

“Qaarsuni, Maniitsumi aamma Nerlerit Inaanni Crashtenders pingasut Trafik-, Bygge- og Boligstyrelsen-ip aalajangersagaannik atuuttunik (BL 3-9) naammassinnissinnaajunnaarsimapput. Piumasaqaatit naammassineqannginnerat, pingaartumik qapuusamik igeriussisartunut ikkussugaasunut kingoraartissanik pissarsisoqarsinnaajunnaarsimanageranarut, tunngatinneqarpoq.

Chrashtenders pingasut pisiarinqassapput aammalu 2019-imi ukiumi aningaasaliiffi-usumi akiligassanngortinneqassallutik, taamaalillutik taakkua 2020-imi sapinngisamik piaartumik tunniunneqarsinnaassallutik.”

Pisianik ukiumi tullermi tunniunneqartussanik aningaasanut inatsimmi ingerlasumi akiligassanngortitsinissamik aalajangerneq sanaartugassatut suliassat taamaattut pillugit ilassutitut aningaasaliissuteqarnissamik qinnuteqaatinut piumasaqaatinik eqquutsitsinersoq paasinarsisinneqassasoq ataatsimiititaliamit kissaatigineqarpoq.

Ataatsimiititaliap apeqqutaanut tunuliaqutaavoq missingersuusionermut ilitersuummi allassimammatt sanaartugassanut tunngasuni suliassanut ilassutitut aningaasaliissuteqarnissat pinerit tamaasa missingersuutit ukiuanni ingerlasumi nunatta karsiani aningaasartuutitut allanneqartassasut. Naalakkersuisut inassuteqaataasa ilaanut tassunga ataatsimiititaliap aalajangermissaani piumasaqaataavoq suliassaqaarfimmi tassani maleruagassanut ilassutitut aningaasaliissuteqarnissamik qinnuteqaatip malinninnissaa.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut piumasaqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqanngillat.**

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua